

REQVESTE

PRESENTEE AVROY

PAR FRANÇOIS DV NOYER

Escuyer Sieur de S. Martin, contenant les Propositions & offres parluy faictes, tant au Conseil de sa Majesté qu'en l'assemblee des Estats generaux, pour establir en la ville de Paris la Compagnie Royalle, où toutes fortes de personnes, tant François qu'estrangers pourront estre receus, & en tirer profit, suiuant leur vade & somme, soit par Nauigation', Commerce general, Manufactures, establissement de Collonnies, fondation de Seminaires, Colleges & Academies, qu'autres Admenagemens : Auec les articles, moyens & raisons iustificatifs & probatifs pour paruenir à l'establissement de ladice Compagnie & autres entreprises. Par le moyen desquelles Propositions, estans executées, la Iustice sera exercée gratuitement, & le peuple en receura vn grand soulagement & diminution des charges sur luy imposées, & sa Majesté vne grande augmentation de fes droicts & reuenus.

A PARIS,

Chez la vefue IEAN REGNOVE, suc du Foin, à la Vigne d'Or fin,

M. DC. XVI.

buis trauaillé, il auroit estimé estre plus à propos de les diuiser comme il a fait en trois Parties. La premiere desquelles conciendrala Nauigation & Commerce general. La deuxiesme monstrera & fournira les moyens de faire rendre gratuitement à tout vostre Peuple la Iustice, sans que les Benefices, Gouvernemens, Lieutenances, Capitaineries, Estats & Offices quelconques soient plusvenaux, ny pour tousiours mais pour certain temps exercez, & par personnes capables, en aduenat vacation, & remboursant les vefues & heritiers de ceux par la mort ou forfaicture desquels. ils vacqueront du prix porté par leurs contracts d'achapt, quittances de finance, taxes du droiet annuel, ou telles autres taxes qu'il plaira à vostre Majesté faire faire. La troisiesme, contiendra les Seminaires, Colleges & Academies, auec les moyens par lesquels vostre Majesté y pourra entretenir quarante ou cinquante mil hommes, tant pour apprendre les Langues & Sciences liberales, que l'Art Militaire & autres; Et encores quinze ou vingt mil hommes, non Subsidiaires, mais Ordinaires à la façon des Cheualiers de Malse, & Moines fondez & rentez : chacun desquels aura son seruiteur qui seroni de toutes sortes de mestiers pour trauailler iournellement au profit de vostre Majesté, lors qu'ils ne seront employez à la guerre, à la mer, ou à la terre. Et en outre pouruoir aux recompenses & pensions des Soldats estropiez au seruice devostre Majesté, & à plusieurs autres œuures pieuses & charitables. Et pour monstrer premierement les effects de ladite premiere partie,il offre (moyennant les articles cy attachez) dresser (soubs l'authorité de vostre Majesté) vne Compagnic en vostre ville de Paris à l'instar de celles de Seuille, Lisbonne, Lodres, Venize, Genes, Anstreda, &cautres, tant de pays Chrestiens que Payens & Barbares, pour l'establissement de ladicte Nauigation & Comerce general, tant par mer que par terre, & de plusieurs Manufactures & Amenagemens, tant dedans que dehors vostre Royaume, mesmement des Colonnies Françoises en tous lieux non peuplez, ny occupez par autre Prince Chrestien, laquelle Compagnie s'appellera la Royalle Compagnie Françoise du S. Sepulchre de Hierusalem: en laquelle seros

receus pendant vn an tous ceux qui voudror y entrer pour telle vade & somme gra. de ou petite que chacun voudra; fans qu'apres ledit teps passé, personne (pour quelque cause & pretexte que ce soit) y puisse estre receu. Comme aussi ladicte Compagnie entrera en d'autres Compagnies parriculieres, tant du Commerce que d'autres, affaires qui la rechercheront. Et mesmes fera d'autres Compagnies particulieres qui dependront de la generalle, pour accommoder vn chacun à sa fantaisse & bien seance. Se renouuellera ladite Compagnie generale de feize en seize ans, fera ses recognoissances de deux en deux,&comptera de cinq en cinq, baillant à chacun le profit & interest de sa vade & somme, suivant les conventions qui en auront esté faictes, fi mieux ils n'ayment les laiffer profiter en ladice Compagnie: & en ce cas tous les effects de ladicte Compagnie seront-lors desdites recognoissances & comptes reglez à certain prix, fors les achapts, ventes, & troques des pays estranges. Et afin que personne ne s'ennuye en ladite Compagnie (s'il y estoit retenu contre sa voloncé) il sera loisible à vn chacun de ceder, & disposer des droiets qu'ils y auront,

fors des Charges & Offices dont l'entiere disposition appartiendra à ladice Compagnie: Laquelle estant establie fretera, armera & equipera de toutes choses necessaires dans trois ans également quarantecinq vaisseaux au mouns a & les entretiendra tousiours en bon estat tant qu'elle durera. Fera (pour le plaisir de vostre Majesté & embellissement de vostre Louure)va beau grand Parc derriere & à costé de vostredit Louure, fera des Canaux, Allées & Galleries, par le moyen desquelles vostre Majesté pourra aller à couvert de vo-Aredit Lounce an Palais, grand Chasteles, Arsenac, Bastille, & jusques au Bois de Vincennes 78 de vostre Louure iusques à Madric. Enfermera les fauxbourgs de Paris, à scaubir, ceux de Sainet Denys, Sainet Martin & du Temple par canaux, faisanz passer l'eau tout autour & pres l'Hospital de Sain& Louys qui ira tomber dans les Canaux du Parc de vostre Majesté pres les Minimes. Et ceux de Sain & Victor, Sain & Marcel, Sain& Iacques, Sain& Michel, S.

Germain, Sain & Honoré, & de Montmarte dans la ville auec canaux, fossez, & murs garnis de Jeurs ponts, ports & por-

23"

res necessaires, faifant aussi passer l'eau tout autour & au pied desdicts murs propre & suffisance à la Nauigation, & necessaire pour la netteté & santé de ladicte ville. Hors laquelle il logera les tueries; canneries: & aurres mestiers causans mauuais air en icelle. Fera faire vn canal pour faire venir en tout temps les Nauires & grands batteaux de Rouen à Paris, accourcissant la Nauigation de plus de vingt lienes. Fera que Charanton, S. Denys & S. Cloud, auec toutes les maifons, chasteaux & villages qui sont en leurs pleines seront reduits en vne Isle remplie de fort beaux canaux sernans de fortification à ladicte ville de Paris. Tiendra tousiours ladite ville auec tous les fauxbourgs nets de fanges &ordures,&les eneretiendra de pané, & establira les Coches & chevaux de relais par tous les lieux de vostre Royaume commodes au public. Fera travailler à routes sortes de Mines, tant dedans que dehors vostre Royaume, Fera plusieurs pepinieres d'arbres fruicliers, meuriers, & autres necessaires au public, pour en peupler tant vostre-dict Royaume, que les Colonnies qui seront hors

9

hors d'iceluy establies. Empeschera pluspart des vols & larcins qui se commettent ordinairement, tant par personnes publiques, que marchands, ouuriers. feruiteurs, seruantes, & plusieurs autres de toutes conditions, mesmes par les joueurs de cartes & dez. Fera qu'il n'y aura plus en vostre Royaume de mendians, valides, vagabonds, & autres gens sans adueu. Ferapenser & gouuerner les pauures malades. Pouruoira tant à la recompense & entretenement, des vieux Matelots que nourriture de toutes sortes de pauures, & fera plusieurs autres œuures pieuses & charitables. Et quant aux effects de ladite deuxielme partie touchant la Iustice, ils sont aussi grands & vtiles, suivant les moyens que ledit du Noyer en a particulierement dreffez, cy attachez. Et pour le regard de ladite troisiesme partie touchant lesdits Seminaires, Colleges & Academies, il en a aussi particulierement dressé les moyens tres-grands & vtiles, cy attachez. Par tous lesquels moyens (outre les profits & vtilitez cy dessus specifiées qui en procederont) vostre Majesté pourra soulager (s'il by plaist) dans quatre ou

cinq ans au plus tard son Peuple des trois quarts, dont les quatre font le tout, de toutes tailles, sublides, imposts & autres charges quelconques, à commencer le quart dans vin an, & le surplus dans le reste du temps & par les mains de vostre peuple pour vostre seurere & la leur : Et donner à la Royne vostre Mere la fomme de trois cens mil liures de fente annuelle au lieu des pallus & marais, terres vaines & vagues, landes, bruyeres, & bois abroutis, tantà elle appartenans en propre, que ceux dont elle jouist par douaire de la Couronne qu'elle remettra és mains de vostre Majesté : ensemble le don qu'elle a de la recherche des Financiers & Officiers comptables. Et pareillement donner à Madame la Comtesse de Soissons, es noms qu'elle procede, la somme de cent mil liures de rente aussi annuelle, au lieu des pallus & marais, terres vaines & vagues des Bailliages de Caën & Constatin, & autres choses portées par son don qu'elle remettra aussi és mains de vostre Majesté. Pour establir esdictes choses qui seront ainsi remises par lesdictes Dames des

Seminaires, Colleges & Academies. Et encores pourra voltre Majesté employer & exercer hors fondit Royaume grand nombre de gens de guerre en des entreprises justes & legitimes qui pourront grandement enrichir. & accroistre non seulement vostre Majesté, mais aussi lesdits gens de guerre & tout voltre peuple, outre le bien particulier que sondit Royaume en receura, estant purgé comme d'humeurs peccantes de plusieurs gens militaires & inutiles, dont l'ensuiura en iceluy vne paix profonde & perpetuelle. Et pour monstrer que tous les aduis & moyens dudit du Noyer sont justes, raisonnables & faisables, il se soubsmet (comme il a cy-deuant faict) aux peines que faisoient les anciens Romains & font à present souffrir les Venitiens à ceux qui proposent des aduis & moyens injustes, destraisonnables & impossibles. Et si aucuns pensent ceux dudit du Noyer autres qu'il ne les promet, ils se trompent ou par mespris ou par impatience; & tous à faute de se donner vne heure de loisir pour entendre & aprofondir les moyes justificatifs & effectifs de ses Propositions, attendu l'offre qu'il a toussours faite & fait encores d'en communiquer aueceux, & les en rendre capables, comme il a fait par le commandement de vostre Majesté, & de la Royne vostre Mere, & de Nosseigneurs du Conseil, plusieurs Princes, Seigneurs, Vniuersité, Religions, & Communautez: mesmement Messieurs les Admiraux, General des Galleres, Estats Generaux & Hostel de ville de Paris, qui ont respectiuement approuué & prejugésesdites propositions & en ont parlé à vostre Majesté pour les faire receuoir & executer. Et particulierement lesdits Estats Generaux en ont mis dans leurs Cahiers vn arricle, & ledit Hostel de Ville de Paris escrit aux autres Villes & Communautez de vostre Royaume pour les embraffer & executer auec eux. Et des Propositions concernans ladicte Nauigation & Commerce general, vostre Majesté (outre la grace de Dieu & benediction de son Peuple qu'elle receura) aura le dixiesme que ledit du Noyer luy offre en tous les profits qui pourront en proceder, outre ses droids & imposts


ordinaires tels que sondit Peuple les paye ou payera cy apres; fors toutesfois és Mines, Edifices, Rivieres, Canaux, Pallus, Marais, Terres, Bois, & autres choles que ladicte Compagnie pourra amélnager & mettre en valeur , toutes lesquelles choles seront & appartiendront à ladicte Compagnie en fonds & propre, & par consequent luy serviront de caution & seureté enuers ceux qui pourront traiterauecelle. A CES CAVSES (SIRE) & attendu les offres cy dessus, plaise à voitre Majesté receuoir & accorder audit du Noyer sesdictes Propositions suivant sesdicts articles & commander toutes Lettres, Arrests, Verifications, Iustions , & autres expeditions necessaires luy en estre promptement fai-Etes & deliurées, & ce sans aucunement diminuer ny alterer vostre reuenu ordi-Quoy faisant il offre faire & accomplir dans dix ans au plus tard tout ce qui depend de ladicte premiere partie touchant ladicte Nauigation & Commerce general, à commencer du iour que lesdictes expeditions luy auront esté deliurées, & continuer sans aucune dis-

continuation, & de ce faire baillera bonne & suffisante caution. Et pour le regard des deux autres parties, touchant l'vne ladicte Iustice, & l'autre lesdits Seminaires, il offre aussi faire & accomplir sessible le l'appositions suivant sessions arricles du iour que lesdictes Propositions auront esté par vostre Majesté receuës & accordées, comme tout vostre Peuple le desire, n'y restant plus rien pour paruenir à l'entiere execution & accomplissement d'icelles que la seule volonté de vostre Majesté, & de Nosseigneurs de vostre Conseil, duquel respire la grandeur & richesse. Et ce faisant il continuëra ses tres-humbles prieres pour la prosperité de vostre Majesté & augmentation de ses Couronnes.

om Veleborian, de sel fizis de como ambrios dy sinch dysolon no boro ences — Out villen da afficiar Ceux qui desireront parler audit du Noyer en auront des nouvelles chés la vefue Iean R egnoul, ruë du Foin, à la Vigne d'Orfin, & receuront de luy contentement, les aduertissant dés à present que ceux qui entreront les premiers en la Compagnie, auec ceux qui y sont desia, auront grand aduantage par le moyen des Offices & charges de ladicte Compagnie, dont ils pourront estre pourueus & gratissez, sans parler de plusieurs autres choses dont ils pourront auoir la preserance.

71 -

Con grindersom parles mels and correction of the control of the co





E616 D925r

